

Autoridade Nacional do Petróleo (ANP)

Endereço: City8 Compound, Rua Has-Laran, Aldeia Fomento II Suco Manleuana, Dom Aleixo, Díli, Timor-Leste,

Telephone: +670 7309 9995; +670 7309 9997

KOMUNIKADU IMPRENSA

ANP anunsia parseria estratéjika ida ba estudu viabilidade sentru formasaun ba indústria estrativa iha Timor-Leste.


Dili, Timor-Leste - 4 Agostu 2026 - Autoridade Nasional Petroleu I.P. (ANP) ho kontente atu anunsia kona-ba asina akordu (Heads of Agreement (HoA) iha loron 4 Agostu 2026 ho EPOMS Global Solutions Sdn. Bhd (EPOMS) no Sarawak Skills Development Centre (SARAWAK SKILLS) atu realiza estudu viabilidade ba estabelesimentu Extractive Industry Training Centre (EITC) iha Timor-Leste. Serimónia asinatura ne'e hala'o iha Leadership Room, City8 Manleuana, iha Dili, Timor-Leste.

Bazeia ba HoA ne'ebé asina ona, EPOMS no Sarawak Skills sei halo estudu viabilidade komprehensivu ida atu avalia kona-ba viabilidade iha espetu téknika, ekonómika, finanseira, institusionál no operasionál ba estabelesimentu EITC iha Timor-Leste. Estudu ne'e previstu atu remata iha fulan Dezembru 2026.

Estabelesimentu EITC iha Timor-Leste, sei depende mos ba rezultadu husi estudu viabilidade refere. Wainhira rezultadu estudu hatudu positivu, maka projetu sira tuir mai sei implementa kedas, ho objetivu ida atu sentru refere bele hahú opera antes tinan 2028.

Ho estudu viabilidade komprehensiva ida ne'ebé mak sei indika informasaun sira bazeia ba evidénsia sientífika atu fó apoiu ba Governu Timor-Leste hodi foti desijaun ida ne'ebe di'ak kona-ba estabelesimentu sentru formasaun ida ne'e. Estudu ida ne'e mós sei identifika nesesidade kompeténsia no forsa traballu Timor-Leste nian iha setor petróleu no indústrias estrativas *em geral*, rekomenda modelu negósiu ne'ebé apropiadu liu, estrutura governasaun, fatin no infraestrutura ba sentru refere, no garante katak estabelesimentu sentru refere aliña ho prioridade política nasional.

Aleinde ne'e, estudu ne'e mos sei rekomenda modelu operasionál EITC nian iha futuro, identifika risku potenciál no medida mitigasaun sira, inklúi referénsia no komparasaun ho sentru formasaun rejional sira seluk ne'ebé susesu ona. Estudu viabilidade ida ne'e sei sai nu'udar planu orientasaun prátiku ida ba estabelesimentu EITC ho nivel internacional, ne'ebé bele desenvolve forsa traballu Timor-Leste's nian ida ne'ebe ho qualificados, padronizados, certificados no kompetitivu iha nivel globál atu bele responde ba nesesidade atuál no futuro desenvolvimentu setór indústria estrativa iha Timor-Leste.



Autoridade Nacional do Petróleo (ANP)

Endereço: City8 Compound, Rua Has-Laran, Aldeia Fomento II Suco Manleuana, Dom Aleixo, Díli, Timor-Leste,

Telephone: +670 7309 9995; +670 7309 9997

Ba Informasaun kompletu favor kontaktu

David Hugo da Silva, Communication Officer

david.dasilva@anp.tl

+67073099996

Kona-ba Autoridade Nacional do Petróleo I.P. (ANP) - ANP hanesan instituisaun públiku ida ne'ebé estabesele ho Dekretu Lei No. 27/2019, loron 27 Agostu, alterasaun dahuluk husi deketu lei No. 20/2008 loron 19 Junu kona-ba Autoridade Nacional do Petróleo, ne'ebé iha responsabilidade atu maneija no regula atividades petroleo iha area Timor-Leste, iha tasi laran inklúi Regime Especial Greater Sunrise.

Kona-ba solusaun globál EPOMS Sdn. Bd (EPOMS) - EPOMS hanesan kompañia ida-ne'ebé nia baze iha Malázia, espesializadu iha produktu ho valór aas ba servisu tékniku sira, inklúi manufatura no servisu konsultasaun iha setor industria petroleo, minarai no gas.

Kona-ba Iha Sentru Dezenvolvimentu Skill (SARAWAK SKILLS) - Sarawak Skills hanesan senru ida ne'ebé estabesele iha Malasia – Sarawak iha 1977 ho objetivu atu fornese formasaun téknika ho qualidade ne'ebe aas iha setor indústria minarai no gas enjeñaria no teknolojía no horticultura.

Remata